



# **YSGOL GYMUNED BRYNGWRAN**

## **Polisi Cwricwlwm**

Craffu	Dyddiad
Cytunwyd gan Staff	
Mabwysiadwyd gan y Llywodraethwyr	
Adolygiad nesaf	
Arwyddwyd	
	Cadeirydd y Llywodraethwyr
	Pennaeth

Yn ein hysgol amcanwn at gyflwyno cwricwlwm sy'n paratoi ein disgyblion ar gyfer cyfleoedd, cyfrifoldebau a phrofiadau bywyd er mwyn iddynt ddefnyddio'r sgiliau allweddol hyn yn ystod eu bywydau bob dydd. Mae ein cwricwlwm yn cynnig profiadau eang a chytbwys ar gyfer ein disgyblion. Mae ein cwricwlwm yn seiliedig ar ddogfennaeth a ddarperir gan Lywodraeth Cynulliad Cymru sef:

- Y Cwricwlwm Cenedlaethol
- Cwricwlwm y Cyfnod Sylfaen
- Y Fframwaith Sgiliau ar gyfer rhai 3-19 oed yng Nghymru
- Fframwaith Enghreifftiol Cenedlaethol ar gyfer Addysg Grefyddol i rai 3-19 oed
- Fframwaith Cenedlaethol Llythrennedd a Rhifedd
- Fframwaith Cymhwysedd Digidol

Yn ein hysgol rydym yn parhau'r Gymraeg fel cyfrwng dysgu ac yn amcanu bod pob disgybl yn datblygu i ddod yn gwbl ddwyieithog - gweler y polisi iaith am wybodaeth bellach.

### **Amcanion a nodau**

Amcanion ein cwricwlwm ysgol yw:

- galluogi pob plentyn i ddysgu a datblygu eu sgiliau hyd eithaf eu gallu;
- galluogi pob plentyn i ddatblygu eu sgiliau yn yr iaith Gymraeg;
- hybu agwedd gadarnhaol tuag at ddysgu, fel bod plant yn mwynhau dod i'r ysgol, ac yn cael sylfaen gadarn ar gyfer dysgu gydol oes;
- addysgu sgiliau sylfaenol llythrennedd, rhifedd a thechnoleg gwybodaeth i blant;
- galluogi plant i fod yn greadigol a datblygu eu meddwl eu hunain;
- addysgu plant am eu byd sy'n datblygu, yn cynnwys sut mae eu hamgylchedd a'u cymdeithas wedi newid dros amser;
- cynorthwyo plant i ddeall treftadaeth ddiwylliannol Cymru;
- galluogi plant i fod yn ddinasyddion cadarnhaol yn y gymdeithas;
- cyflenwi holl ofynion y Cwricwlwm Cenedlaethol, Cwricwlwm y Cyfnod Sylfaen a'r Maes Llafur Cytûn Lleol ar gyfer Addysg Grefyddol;
- addysgu plant i fod ag ymwybyddiaeth o'u datblygiad ysbrydol eu hunain, a deall daioni oddi wrth ddrygioni;
- cynorthwyo plant i ddeall pwysigrwydd gwirionedd a thegwch, fel eu bod yn tyfu i fyny yn ymroddedig i gyfleoedd cyfartal ar gyfer pawb;

- galluogi plant i fod â pharch tuag atynt eu hunain a hunan-barch uchel, ac i allu byw a gweithio'n gydweithredol gydag eraill.

### **Trefniadaeth a chynllunio**

Rydym yn cynllunio ein cwricwlwm mewn tri cham. Rydym yn cytuno ar gynllun hirdymor ar gyfer pob Cyfnod allweddol. Mae hyn yn dynodi pa dopigau sydd i'w haddysgu ym mhob tymor, ac i ba grwpiau o blant. Rydym yn adolygu ein cynllun hirdymor ar sail flynyddol. Mae cwricwlwm y Cyfnod Sylfaen yn annog hyblygrwydd. Adnabyddir hyn gan yr ysgol.

Gyda'n cynlluniau tymor canol, rydym yn rhoi arweiniad clir ar y nodau a'r strategaethau addysgu rydym yn eu defnyddio wrth addysgu pob topig.

Ein cynlluniau byrdymor yw'r rhai y mae ein hathrawon yn eu hysgrifennu ar sail wythnosol neu ddyddiol. Rydym yn defnyddio'r rhain i osod nodau dysgu allan ar gyfer pob sesiwn, ac adnabod pa adnoddau a gweithgareddau rydym yn mynd i'w defnyddio yn y wers

### **Cwricwlwm y Cyfnod Sylfaen**

Mae ein hygol yn dilyn Cwricwlwm y Cyfnod Sylfaen yn sail ar gyfer dysgu ar gyfer disgyblion 3-7 oed. Mae Cwricwlwm y Cyfnod Sylfaen yn cynnwys y meysydd dysgu a ganlyn:

- Datblygiad Personol a Chymdeithasol, Lles ac Amryfaliaeth Ddiwylliannol
- Sgiliau Iaith, Llythrennedd a Chyfathrebu
- Datblygiad Mathemategol
- Datblygiad y Gymraeg
- Gwybodaeth a Dealltwriaeth o'r Byd
- Datblygiad Corfforol
- Datblygiad Creadigol

Yn bennaf addysgir y Cyfnod Sylfaen yn thematig. Mae disgyblion yn gweithio ar dasgau perthynol i'r thema bresennol mewn gwahanol feysydd a ddiffiniwyd o'r dosbarth. Yn ychwanegol, mae addysgu cynnil mwy ffurfiol yn digwydd ar sail ddyddiol. Mae sesiynau o'r fath fel arfer yn canolbwyntio ar sgiliau sylfaenol rhifedd a llythrennedd.

### **Y Cwricwlwm Cenedlaethol**

Mae ein hygol yn dilyn y Cwricwlwm Cenedlaethol yn sail ar gyfer addysgu yng Nghyfnod Allweddol 2. Mae'r Cwricwlwm Cenedlaethol yn cynnwys y pynciau a ganlyn:

- Cymraeg

- Cerddoriaeth
- Saesneg
- Mathemateg
- Gwyddoniaeth
- Technoleg Gwybodaeth a Chyfathrebu
- Dylunio a Thechnoleg
- Hanes
- Daeryddiaeth
- Celf a Dylunio
- Addysg Gorfforol

Mae dogfennaeth y Cwricwlwm Cenedlaethol yn gorchymyn yr ystod a'r sgiliau y dylid eu cwmpasu ym mhob pwnc yn ystod y Cyfnod Allweddol. Wedi dweud hynny, ceir gradd o hyblygrwydd sy'n caniatáu i athrawon gynllunio i'w cryfderau a darparu rhaglen amrywiol o astudiaeth. Ym Mlwyddyn 6, mae plant hefyd yn astudio Iaith Dramor Fodern yn baratoad ar gyfer eu trawsnewid i ysgol uwchradd.

### **Y Fframwaith Sgiliau ar gyfer rhai 3-19 oed yng Nghymru**

Rydym yn cynllunio ein holl wersi a'n gweithgareddau gyda'r Fframwaith Sgiliau mewn cof. Mae'r Fframwaith yn eistedd ochr yn ochr â Chwricwlwm y Cyfnod Sylfaen a'r Cwricwlwm Cenedlaethol. Mae'n amlygu'r sgiliau allweddol y dylai plant eu meithrin a sut y dylent ddatblygu dros amser. Mae cyfleoedd i ymarfer y sgiliau allweddol hyn wedi eu treiddio drwy'r cwricwlwm. Mae'r sgiliau allweddol wedi eu dosbarthu fel a ganlyn:

- Rhif
- Cyfathrebu
- Mathemateg
- TGaCh

### **Addysg Grefyddol**

Rydym yn dilyn y maes llafur cytûn lleol ar gyfer Addysg Grefyddol. Mae Awdurdod Lleol Môn wedi mabwysiadu'r Fframwaith Enghreifftiol Cenedlaethol ar gyfer Addysg Grefyddol i rai 3-19 oed fel y maes llafur cytûn lleol.

### **Fframwaith Cenedlaethol Llythrennedd a Rhifedd**

Rydym yn dilyn y Fframwaith Cenedlaethol Llythrennedd a Rhifedd sy'n darparu strwythur mwy manwl i ddogfennaeth y Cyfnod Sylfaen a'r Cwricwlwm Cenedlaethol. Mae'n gosod allan y sgiliau rydym yn disgwyl i'n plant eu datblygu yn yr ysgol o 5-11 oed.

### **Fframwaith Cymhwysedd Digidol**

Gyda'r Fframwaith Cymhwysedd Digidol newydd ei ryddhau ond ddim yn statudol eto, bydd yr ysgol dros y cyfnod anstatudol hyn yn addasu cynlluniau i gyfateb a'r gofynion a fydd yn statudol o fewn y blynyddoedd nesaf.

### **Disgyblion gydag Anghenion Dysgu Ychwanegol**

Mae'r cwricwlwm yn ein hysgol wedi ei gynllunio i ddarparu mynediad a chyfle i bob plentyn sy'n mynychu'r ysgol. Os teimlwn ei bod yn angenrheidiol addasu'r cwricwlwm i gyfarfod ag anghenion plant unigol, yna byddwn yn gwneud hynny yn unig wedi ymgynghori â rhieni'r plentyn.

### **Monitro ac adolygu**

Mae pwyllgor cwricwlwm ein corff llywodraethu yn gyfrifol am fonitro'r ffordd y gweithredir cwricwlwm yr ysgol. Mae'r pwyllgor hwn yn adolygu pob maes pwnc yn ei gylch adolygu a datblygu, gan arsylwi sesiynau a gwaith plant.

Mae'r Pennaeth yn gyfrifol am drefniadaeth dydd i ddydd y cwricwlwm. Mae'r Pennaeth yn monitro'r cynlluniau gwersi wythnosol ar gyfer pob athro, gan sicrhau yr addysgir pob dosbarth ofynion llawn y Cwricwlwm Cenedlaethol, a bod gan bob gwern nodau dysgu priodol.

Mae arweinwyr pwnc yn monitro'r ffordd yr addysgir eu pwnc drwy'r ysgol. Maent yn archwilio cynllunio hirdymor a thymor canol, ac yn sicrhau bod strategaethau addysgu priodol yn cael eu defnyddio. Mae gan arweinwyr pwnc gyfrifoldeb hefyd am fonitro'r ffordd y mae adnoddau'n cael eu cadw a'u rheoli.